


佛本行集經

才五

二百九十六  
令五

49710



佛本行集經卷第五

隋天竺三藏法師闍那崛多譯

今

賢劫王種品下

諸比丘彼大照耀王有子還名意喜次紹王位如上所說

諸比丘彼意喜王有子名曰善喜次紹王位如上所說



諸比丘彼善喜王有子名曰滿足次紹王位如上所說

諸比丘彼滿足王有子名大滿足次紹王位如上所說

諸比丘彼大滿足王有子還名養育次紹王

位如上所說

諸比丘彼養育王有子還名福車次紹王位  
如上所說

諸比丘彼福車王有子名人首領次紹王位  
如上所說

諸比丘彼人首領王有子名曰火質次紹王  
位如上所說

諸比丘彼火質王有子名曰光炎次紹王位  
如上所說

諸比丘彼光炎王有子名曰善譬冠次紹王  
位如上所說

諸比丘彼善譬冠王有子名曰空冠次紹王

位如上所說

諸比丘彼空冠王有子名曰善見次紹王位  
如上所說

諸比丘彼善見王有子名大善見次紹王位  
如上所說

諸比丘彼大善見王有子名曰須彌次紹王  
位如上所說

諸比丘彼須彌王有子名大須彌次紹王位  
如上所說轉輪聖王統四天下海等大地具  
足七寶乃至如法治化人民諸比丘如是等  
王皆是過去轉輪聖王具足修習無量福業  
深種善根以是果報並得食於此四天下

切大地受諸福樂壽命難量不可筭計諸比丘汝等當知我今更說彼轉輪王種姓苗裔世世相承并餘小王子孫繼襲任處名字次第少多為汝略說彼等氏族汝等善聽

諸比丘大須彌王治化已來世世相承子子孫孫有一百一小轉輪王悉皆住在褒多那城治化人民受於福樂

彼諸王內最後一王名師子乘師子乘王世世相承子子孫孫有六十一小轉輪王悉皆住在波羅捺城治化人民受於福樂

彼諸王內最後一王名曰女乘彼女乘王世世相承子子孫孫有五十六小轉輪王悉皆

住在阿踰闍城治化人民受於福樂

彼諸王內最後一王名嚴熾生嚴熾生王世

世相承子子孫孫合有一千小轉輪王皆悉

住在迦毗梨耶城治化人民受於福樂

彼諸王內最後一王名曰梵德彼梵德王世

世相承子子孫孫有二十五小轉輪王皆悉

住在阿私帝那富羅城治化人民受於福樂

彼諸王內最後一王名為象將彼象將王世

世相承子子孫孫有二十五小轉輪王皆悉

住在德义尸羅城治化人民受於福樂

彼諸王內最後一王号名為護而彼護王世

世相承子子孫孫一千二百小轉輪王皆悉

住在奢耶那城治化人民受於福樂

彼諸王內最後一王名能降伏能降伏王世

世相承子子孫孫合有九十小轉輪王皆悉

住在迦那鳩闍城治化人民受於福樂

彼諸王內最後一王名為勝將彼勝將王世

世相承子子孫孫二千五百小轉輪王皆悉

住在於瞻波城治化人民受於福樂

彼諸王內最後一王名曰龍天彼龍天王世

世相承子子孫孫有二十五小轉輪王皆悉

住在於王舍城治化人民受於福樂

彼諸王內最後一王名為作闍彼作闍王世

世相承子子孫孫有二十五小轉輪王皆悉



住在拘尸那竭城治化人民受於福樂

彼諸王內最後一王名大自在天彼大自在天王世世相承子子孫孫有二十五小轉輪王悉皆住在菴婆羅劫波城治化人民受於福樂彼諸王內最後一王還名大自在天彼大自在天王世世相承子子孫孫有二十五小轉輪王悉皆住在檀多富羅城治化人民受於福樂

彼諸王內最後一王名曰善意彼善意王世世相承子子孫孫有二十五小轉輪王悉皆住在多摩娑頗利多城治化人民受於福樂彼諸王內最後一王名無憂鬘彼無憂鬘王

世世相承子子孫孫八萬四千小轉輪王皆

悉住在窠反亡私洩反也梨羅城治化人民受於

福樂

彼諸王內最後一王名毗細天彼毗細天王

世世相承子子孫孫一百一王皆悉住在毗

藪多那城治化人民受於福樂

彼諸王內最後一王還名大自在天彼大自

在天王世世相承子子孫孫合有八萬四千

諸王還在於彼窠反忙私洩反他梨羅城治化人

民受於福樂

彼諸王內最後一王名曰魚王比丘當知諸

如是等小轉輪王悉有福德皆種善根具足

受於世間福報無與等者其化所被大地及  
海一切諸山悉皆統攝諸比丘彼轉輪王各  
各皆有粟散諸王我今說之

諸比丘魚王有子名曰真生彼真生王父祖  
已來修習善根得紹繼王福報盡故便失王  
位時人見彼王化失道無有福德共相謂言  
此王人中最好貧劣人中單薄人中可愍人  
中可掘是故世人皆号之為可掘之王掘王  
有子名為平等行王平等行王子名閻火閻  
火王子名為炎熾炎熾王子名為善譬善譬  
王子名為虛空虛空王子名為戒行戒行王  
子名為無憂無憂王子名為離憂離憂王子

名為除憂除憂王子名為勝將勝將王子名為大將大將王子名為胎生胎生王子名為明星明星王子名為方主方主王子名為塵王彼塵王子名為善意善意王子名為善任善任王子名為歡喜歡喜王子名為大力大力王子名為大光大光王子名為大名稱為子名為十車十車王子名為二十車二十車王子名為妙車妙車王子名為步車步車王子名為十弓十弓王子名為百弓百弓王子名為二十弓二十弓子名為妙色弓子名為罪弓罪弓王子名為海將海將王子名為難勝難勝王子名為茅草茅草王子名為

茅草大茅草王世世相承子子孫孫苗囊合  
有一百八王還住在彼褒多那城治化人民  
受於福樂彼一百八最在後王大茅草者其  
王無子作如是念上世已來我之種姓粟散  
諸王見白頭鬚生白髮時各以諸子灌頂爲  
王別取勝上最好一州以用布施剃除鬚髮  
捨於王位出家修道我今無兒當以誰繼嗣  
我王後誰堪增長我之種姓或復我今斷諸  
王種復生此念我今若不出家修道則斷一  
切諸賢聖種思惟是已時大茅草即以王位  
付諸大臣大眾圍遶送王出城剃除鬚髮服  
出家衣王出家已持戒清淨專心勇猛成就

四禪具足五通得成王仙壽命極長至年衰  
老肉消背曲雖復拄杖不能遠行

時彼王仙諸弟子等欲往東西求覓飲食取  
好軟草安置籠裏用盛王仙懸樹枝上何以  
故畏諸虫獸來觸王仙時諸弟子乞食去後  
有一獵師遊行山野遙見王仙謂是白鳥遂  
即射之時彼王仙既被射已有兩涕血出墮  
於地即便命歿彼諸弟子乞食來還見彼王  
仙被射命終復見有血兩涕在地即下彼籠  
將王置地集聚柴木焚燒王屍收骨為塔復  
將種種雜妙香華供養彼塔尊重讚嘆承事  
畢了亦時彼地有兩涕血即便生出二甘蔗

牙漸漸高大至時蔗熟日多開剖其一莖蔗  
出一童子更一莖蔗出一童女端正可喜出  
無有雙時諸弟子心念王仙在世之時不生  
兒子今此兩童是王仙種養護看視報諸臣知  
時諸大臣聞已歡喜往至彼林迎二童子將  
還入宮召喚解相大婆羅門教令占相并遣

作名彼相師言此童子者既是日多熟甘蔗  
開而出生故一名善生又以其從甘蔗出故  
第二復名甘蔗生又以日炙甘蔗出故亦名  
日種彼女因緣一種無異故名善賢復名水  
波時彼諸臣取甘蔗種所生童子幼少年時  
即灌其頂立以爲王其善賢女至年長大堪

能伏事即拜為王第一之妃  
時甘蔗王有第二妃絕妙端正生於四子一  
名炬面二名金色三名象眾四名別成其善  
賢妃唯生一子名為長壽端正可喜世間少  
雙然其骨相不堪作王時善賢妃如是思惟  
甘蔗種王有此四子炬面等輩兄弟群強我  
今唯有此之一子雖極端正世無有雙然其  
相分不堪為主作何方便令我此子得紹王  
位復作此念是甘蔗王今於我邊無量敬愛  
深心染著縱情蕩意我今可更窮極婦人莊  
飾之法所謂淨潔摩拭身體香湯沐浴使氣  
芬芳髮塗澤蘭面著脂粉華鬘瓔珞種種莊



嚴令甘蔗王心於我邊重生就緬愛戀娛樂  
若得如心我於屏處當乞求願思惟是已如  
上所說症嚴自身令極殊絕至於王邊王見  
妃來生重愛敬縱逸其心妃見王生如是心  
已二人眠卧妃白王言大王當知我今從王  
乞求一願願玉與我

王言大妃隨意不逆從心所欲我當與妃時  
妃復更重質王言大王自在若與我願不得  
變悔若變悔者我不須此王語妃言我一與  
妃心之所願後若悔者當令我頭破作七分  
妃言大王王之四子炬面等輩願擯出國遣  
我生子長壽為王時甘蔗王即語妃言我此

四子無有過失不橫求財無有罪患豈可無  
辜枉得駟遣遠擯他土於我治化國境之內  
有何非祥不聽其任妃又白言王已先誓語  
若悔者頭破七分王告妃言我如前言與妃  
所願妃若知時任隨妃意時甘蔗王過此夜  
後至明清旦集聚四子而告勅言汝四童子  
今可出去我治化內不得居住遠向他國  
時四童子胡跪合掌白父王言大王當知我  
等四人無有罪惡無諸過咎不作非法取他  
錢財又復不造其餘惡業云何父王忽然擯  
我出於國界王勅子言我知汝等實無過失  
不橫取財如上所說此非我意駟擯於汝此

是善賢大妃之意彼妃乞願我不違彼令汝  
出國時四王子所生之母聞甘蔗王欲擯其  
子今出國界間已速疾往至王所至王所已  
白言大王聞王欲逐我之四子今出國界為  
實亦不王言實遣諸妃各復白於王言善哉  
大王我等各求乞隨兒去

王報諸妃隨汝意去時諸妃妹復白王言我  
姊甥甥今既出國我亦乞去王各報言任隨  
汝意時諸大臣公卿輔相亦白王言王今斤  
遣此四王子今出國者我等諸臣亦求隨去  
王言任意時王典當諸象馬臣亦求隨從王  
言隨意復有名將弩將獄將諸典當羊畜牧

等將諸臣之子又復諸餘主藏兵將遊軍壯  
士善射之將奴婢僕使及其子等聞甘蔗王  
欲逐四子令出國界俱白王言我等並求隨  
從王子東西而去王言隨意又復國內竹匠  
皮匠瓦師塼師造屋木師造酒食師剃鬚髮  
師染洗衣師屠兒按摩治病合藥釣魚等師  
聞王欲駢四子出國審如是不王言實介我  
等求去王言隨意時甘蔗王勅諸王子作如  
是言汝等王子從今已去若欲婚姻不得餘  
處取他外族還於自家姓內而取莫令甘蔗  
種姓斷絕時諸王子白父王言如大王勅彼  
諸王子受父教已各各自將所生之母并姨

姊妹奴婢資財諸馱乘等即向北方到雪山  
下經少時住有一大河名婆耆羅洩渡於彼  
河上雪山頂遊涉久停時四王子在彼山頂  
射獵捕諸禽獸而食漸漸前行至山南面見  
川寬平無諸坑坎埠阜陵谷丘壑溝渠荆棘  
塵埃及沙礫等其地唯生軟細青草清淨可  
愛樹林華菓蔚茂敷榮猶如黑雲光澤儵鑠  
林木遍滿其間少空所謂娑羅樹多羅樹那  
多摩羅樹阿說他樹尼拘陀樹優曇婆羅樹  
千年棗樹迦梨羅樹等垂諸枝柯各相廕映  
又有種種諸雜妙華所謂阿提目多華瞻波  
華阿輸迦華波多羅華婆梨師迦華拘蘭那

華拘毗陀羅華檀奴沙迦梨迦華目真隣陀  
華蘇摩那等一切諸華或有已開或有未開  
或初欲開或開已落復有無量衆雜菓樹所  
謂菴婆羅菓閻浮菓陵拘闍菓波那婆菓鎮  
頭迦菓呵梨勒毗醯勒菓阿摩勒等種種諸  
菓或始結子或子欲熟或子已熟堪可食噉  
復有無量諸雜野獸所謂伊泥耶獸麀鹿水  
牛那羅迦獸野牛白象及師子等復有無量  
種種飛鳥所謂鸚鵡及拘翅羅鸚鵡孔雀迦  
陵頻伽命命鳩鵲山鷄白鶴遮摩迦鳥及蘭  
摩等一切雜鳥復有無量諸水陂池其池各  
有種種雜華所謂優鉢羅華波頭摩華拘勿

頭華分陀利華悉滿諸池池岸四邊復有諸  
華垂覆池上其水清淨無有濁穢湛然彌滿  
不深不淺易度易行周匝四邊種種諸樹池  
內復有種種諸虫所謂魚鼈龜鼉鰲螺蚌  
一切水性復有水鳥所謂鳧鴈鵝鴨白鷺鷓  
鷦及鴛鴦等一切諸鳥然其彼處舊有一仙  
在中居止名迦毗羅彼諸王子見是處已共  
相謂言可於此間造城治化

尔時王子既安住已憶父王語於自姓中求  
覓婚姻不能得婦各納姨母及其姊妹共為  
夫妻依於婦禮一欲隨從父王教令二恐釋  
種雜亂相生尔時日種甘蔗之王召一國師

大婆羅門來謂之言大婆羅門我四王子今  
在何處國師荅言大王當知王之四子已各  
自將母姨姊妹馱乘人物遠出國外向於北  
方乃至已生端正男女時甘蔗王為自所愛  
諸王子故心思欲見意情歡喜而發是言彼  
諸王子能立國計大好治化彼等王子是故  
立姓稱為釋迦以釋迦住大樹蔭蔭枝條之  
下是故名為奢夷者居夷反耶以其本於迦毗  
羅仙處所住故因城立名故名迦毗羅婆蘇  
都時甘蔗王三子歿後唯一子在名尼拘羅  
隋言別城為王住在迦毗羅城治化人民受於福  
樂其尼拘羅王生於一子名曰拘盧還在父



王迦毗羅城治化而住其拘盧王復生一子  
名瞿拘盧亦在父城為王治化其瞿拘盧王  
復王一子名師子頰還在父城治化人民師  
子頰王生於四子第一名曰闕頭檀王隋言淨飯  
第二名為輸拘盧檀那隋言白飯第三名為途盧  
檀那隋言斛飯第四名為阿弥都檀那隋言露飯復

有一女名甘露味師子頰王最初長子闕頭  
檀者次紹王位還在父城治化人民受於福樂  
時迦毗羅相去不遠復有一城名曰天臂彼  
天臂城有一釋種豪貴長者名為善覺大富  
多財積諸珍寶資產豐饒具足威德稱意自  
然無所乏少舍宅猶如毗沙門王宮殿無異

彼釋長者生於八女一名為意二名無比意  
三名大意四名無邊意五名髡意六名黑牛  
七名瘦牛八名摩訶波闍波提隋言大慧而亦云梵天  
此梵天於諸女中年最幼小初生之日為諸  
能相婆羅門師觀占其體云此女嫁若生兒  
者必當得作轉輪聖王王四天下七寶自然  
千子具足乃至不用鞭杖治民時善覺女年  
漸長成堪欲行嫁白淨王聞自國境內有一  
釋氏甚大家富生於八女端正少雙乃至相  
師占觀其女當生貴子時淨飯王聞是語已  
作如是言我今當索是女作妃令我甘蔗轉  
輪聖王苗裔不絕

此是律家作如是說又言大慧是菩薩母者此依阿

波陀那經文又言輸頭檀王是我之  
夫人是我之母如阿波陀那經說檢諸經文  
此義是實也

時淨飯王即遣使人往詣善覺大長者家求

索大慧為我作於波闍波提波闍波提者隋言生活本尔

時善覺語彼使言善使仁者為我諮啓大王

是言我有八女一名為意乃至第八名為大

慧何故大王求最小者大王且可待我處分

七女竟已當與大王大慧作妃時淨飯王復

更遣使語長者言我今不得待汝一一嫁七

女訖然後取於大慧作妃汝八顆女我盡皆

取時善覺釋報大王言若如是者依大王命

隨意將去時淨飯王即遣使人一時迎取八

女向宮至於宮已即納二女自用為妃其二  
女者第一名為意及以第八名大慧者自餘  
六女分與三弟一人與二並妻為妃時淨飯  
王納意姊妹內於宮中縱情嬉戲歡娛受樂  
依諸王法治化四方

佛本行集經上託兜率品第四上

尔時護明菩薩大士從於迦葉佛世尊所護  
持禁戒梵行清淨命終之後正念往生兜率  
陀天何以故或有衆生命終之日為於風刀  
節節支解受於楚痛或氣欲盡喘息不安以  
是因緣受大苦惱失於本心忘其宿行不能  
專正寂定其心菩薩不然命欲終日正心思

惟緣其前世託生處所有如是等希奇之法  
又諸菩薩復有一法命終之後必生天上或  
高或下不定一天而其一生補處菩薩多必  
往生兜率陀天心生歡喜智慧滿足何以故  
在下諸天多有放逸上界諸天禪定力多寂  
定輒弱不求於生以受樂故又復不為一切  
衆生生慈悲故菩薩不然但為教化諸衆生  
故生兜率天下界諸天為聽法故上兜率天  
聽受於法上界諸天復為法故亦有下來兜  
率陀天聽受於法

然此菩薩亦生兜率其兜率陀所居諸天即  
喚菩薩名為護明以是因緣名為護明諸天

展轉稱喚護明其聲上徹至淨居天及到阿  
迦膩吒天頂時諸天等皆同唱言護明菩薩  
已來生於兜率天中此聲下至三十三天乃  
至達到四天王天并復徹諸阿脩羅宮各共  
相謂護明菩薩已得上生兜率陀天極下至  
於阿脩羅宮最上到彼阿迦尼吒皆悉來集

兜率陀天聚於護明菩薩宮所聽受於法護  
明菩薩既生兜率陀諸天宮殿光明  
照耀自然莊嚴更復出於無量無邊莊嚴之  
事皆由護明菩薩功德威神力故大梵天王  
及大威德阿脩羅等皆悉集來兜率天中前  
後圍遶護明菩薩復有無量無邊衆生託生

兜率得見最勝最妙五欲心迷忘失不憶本  
行及以先業護明菩薩生兜率天設見最勝  
最妙五慾心不迷惑不曾忘失正念本緣乃  
至爲化諸衆生故任兜率天天數壽命滿四  
千歲爲彼諸天說法教化顯示法相令心歡  
喜自餘衆生生彼天者或以往昔不清淨業  
故生其中或復橫死不滿天壽護明菩薩過去  
修行布施清淨業因復爲教化諸衆生故盡兜  
率天所有壽命是故稱言希有希有不可思  
議又復得於不思議法護明菩薩盡彼天年  
介時護明菩薩大士天壽滿已自然而有五  
衰相現何等爲五一者頭上華萎二者腋下

汗出三者衣裳垢膩四者身失威光五者不  
樂本座時兜率天見彼護明衰相現已出大  
音聲嗚呼嗚呼共相謂言苦哉苦哉護明菩  
薩不久應當捨離於此兜率天宮退失威神  
我等今者何可得住是時彼處兜率天衆唯  
聞哭聲諸天宮殿聲響相接此聲乃至上色  
界頂首陀會天阿迦膩吒諸天衆等各相謂  
言嗚呼哀哉護明菩薩今已現於五種衰相  
不久墜落從兜率下及脩羅宮嗚呼之聲其  
音遍滿處處唯聞不久墮落是時諸天聞此  
聲已阿迦尼吒他化自在色慾天等並各下  
來至兜率天夜摩諸天四天王天聞此聲已



皆悉集聚上兜率天如是乃至龍王夜叉乾  
闥婆阿脩羅迦樓羅緊陀羅摩睺羅伽鳩槃  
荼羅刹等地居諸天屬色慾界諸天攝者皆  
悉飛騰上兜率天集聚一處共相謂言我等  
今見護明天子欲從兜率下生人間其兜率  
天衰相現時即人間數有十二年時首陀會  
一切諸天作如是念我昔曾見補處菩薩兜  
率天下生人間時與此無異彼等諸天今見  
護明菩薩大士五衰相現必定知下於閻浮  
提即發大聲唱如是言人等莊嚴於此刹土  
菩薩大士不久從彼兜率天來下生此處掃  
治掃治佛欲下生是時此閻閻浮提地有五

百辟支佛在一林中修道居住時彼五百辟  
支佛聞此聲已飛騰虛空相共往詣波羅捺  
城至彼處已各各示現五種神通踊身虛空  
出於烟炎次第說偈捨於壽命入般涅槃  
尔時護明菩薩大士見彼天衆及梵釋天護  
世諸龍毗舍闍等觀察彼衆心意泰然不恐  
不驚不疑不畏出柔軟語而告之言汝諸仁  
者各各當知如我今見有此五種衰相出時  
不久從於兜率天下生於人間時梵釋等諸  
天報言尊者護明如尊所見五種衰相出現  
之者尊必不久當下兜率生於人間尊可憶  
念昔本行願時彼無量百千天衆發是語已

遍體戰慄身毛皆豎心大驚怖合十拍掌頂禮護明

尔時護明告彼衆言我今必下決定無疑時今已至是故汝等應念無常當想未來恐怖之事汝等善觀身體穢汚心強愛著以是諸慾共相纏繞於生死中不得出離如是晷形

甚可厭惡汝等一切合十拍掌觀我身體及諸衆生相與未能免脫此法是故汝等爲我莫愁爲我莫苦彼諸天言尊者護明唯願尊者慈悲普覆亦莫更生其餘諸心但念往昔本誓因緣億劫生身尊亦曾受天人業果往昔所造善業因緣憶念彼施善根法行於諸

衆生生慈悲心護明菩薩報諸天言汝等當  
知一切衆生於世間中及以生處但令是有  
但令是生不免分離況復於我又諸衆生皆  
悉無常恩愛別離云何得脫

是時諸天復更白言希有希有尊者護明難  
可思議能於無常境界之中臨捨壽時心得  
辯才一種達解無有別異尊者護明又復一  
切自餘諸天見此五種衰相現時心即憂愁  
失於正念護明菩薩復更重告諸天衆言一  
生補處諸菩薩等善根增長知諸有處於功  
德中寂定其心苦來逼切不生諸惱乃至不  
隨諸苦而行能於一切諸衆生邊起大慈悲

時諸天言如是如是尊者護明一切衆生於  
彼人間種諸善根生此天宮此處福盡還即  
退下

護明菩薩復告天言我以是故見人天中有  
是過失我今從此下生人間為諸世間一切  
衆生滅盡諸苦是時彼中有一天女愛樂戀  
著護明菩薩復更別告一天女言我等可至  
閻浮提中觀我大家護明菩薩於何處生彼  
天女言我今亦樂於閻浮提何以故我之大  
家欲生彼處是故我亦願在彼間時二天女  
復相謂言我亦不為此大家故願往至彼何  
以故我此大家往閻浮提則有無量無邊衆

生種諸善根於中信受而行教化復有無量  
無邊衆生修諸福業來生此處

佛本行集經卷第五

令

苗逝反囊下羊反繼襲下音襲上必反捺城代反寐洩

上忙私反毗紐下女反掘其勿反茅草上莫反繼下他梨反

嗣下音帝滴開剖下疋反炬音眈緬上丁含

展餅上音擯出月上必反辜音甥甥外生字音弩

乃古畜牧下音馱乘上唐捕音坳坎下感反埠

旱上丁回反壑呼各塵埃下音蔚茂上音鬱音

下莫儵鑠上音若反枝柯下音醯呼兮麀鹿

上音鳩鵲下音精交龜元二字音螺蟀下蒲

見失音鷓鴒盧慈羽鬱上音鳥孔反夷耆

下居頁上音喜戎上許鳥為

見

失音

鷓

鷓

盧慈

二字音

音

翮

翮

上音

鳥孔

反

又

夷

耆

耆

下居

反

閱

頭

上音

嬉

戲

上許

反

喘

息

上尺

反

萎

烏為

為

腋

音亦

盼

盼

音亦

